

人參

茯苓

白姜蚕炒

防風 芎藭

藿香

羌活

蟬蛻各一錢

厚朴姜制五分

水煎服

大連翹飲

治風熱熱毒赤白遊風表裏皆受

患者

連翹

瞿麥

荆芥

木通

蟬蛻

甘草

赤芍

防風

柴胡

滑石

山梔炒

黃芩炒 川芎錢一

水煎服

○婦人痰疰

俗名便瘡 一名便毒

一名便毒

婦人痰疰或肝經濕熱下注或鬱怒傷損脾肝其  
外症或拘小腹腫痛或玉門焮腫作痛或寒熱  
往來增寒壯熱其內症或小便澀滯或腹內急  
痛或小腹痞悶或上攻兩脇或疝熱重墜若兩  
拘小腹腫痛肝經濕熱壅滯也用龍胆瀉肝湯  
玉門腫脹肝火血虛也用加味道散及龍胆  
瀉肝湯加木香有緊投散血攻毒之劑則誤甚  
矣

一婦人拘中赤腫脹痛此膿內作用托裏消毒散

加以數劑潰而膿清寒熱乃氣血淺虛用托裏散而寒熱止用十全大補湯百餘劑而歛

一婦人腹拘腫痛寒熱口苦或時帶下此肝經濕熱不利也用龍胆瀉肝湯而腫痛消用加味道遙散而寒熱退

一婦人腹拘腫痛小水不利時或胸乳作痛脇腹作脹以肝火氣滯用四物柴胡青皮玄胡木香而愈

一婦人兩脇腫痛腹內下塊不時上攻月經不調

小便不利余以為肝脾氣滯而血傷以四君子加芎歸柴胡山梔而愈後因鬱怒前症復作蒸胸滿腹脹盜汗以肝木甚而傷脾土也用加味歸脾湯下蘆薈丸而痊

一婦人陰中如癢兩脇腫痛寒熱不食小便頻數小腹重墜余以為肝脾鬱怒所致先以補中益氣加茯苓山梔車前子青皮以清肝火升脾氣更以加味歸脾湯調理脾鬱而愈

龍胆瀉肝湯 治肝經濕熱兩脇腫痛或腹中

疼痛或小水澀滯等症

龍胆草酒拌炒 澤瀉各一錢 車前子炒 生地黄

木通酒拌炒 山梔炒 黃芩 甘草各五分

右水煎服

九味柴胡湯

治肝經濕熱下注便毒腫痛或

小腹脇肋結核凡肝胆經部分一切瘡瘍或風

熱結按瘰癧

柴胡 黃芩炒 人參 山梔炒 半夏

龍胆草炒焦 川歸 芍藥炒 甘草各五分

右水煎服

蘆薈丸

治肝氣不和刺侮脾胃而患諸症或

三焦肝胆經風熱目生雲翳或疳熱瘰癧耳內

生瘡寒熱作痛肌躄消瘦發熱作渴飲食少思

肚腹不調或牙齦蝕落頰腮腐爛下部生瘡等

症 蘆薈五錢 胡黃連 當歸 芍藥

炒 龍胆草酒浸炒焦 川芎 蕪荑各一兩

木香 甘草炒各三錢

右為末用米糊丸麻子大每服五十九滾湯

鶴膝風

婦人鶴膝風，忘日胎產經行失調，或鬱怒虧損肝脾而為外邪所傷，或先腿脚牽痛，或先肢筋筋挛既而膝漸大，腿漸細如鶴膝之狀，而名之也。若高腫赤痛者易治，若漫腫不赤痛者難治。三月潰而膿稠者易治，半載後潰而膿清者難治。設先攻伐虧損元氣，尤為難治也。大要當固元氣為主，而佐以大防風湯。若食少寐倦者，六

君子湯為主。晡熱內熱者，逍遙散為主。寒熱往來者，八珍湯發熱惡寒者，十全大補湯不寐而驚悸者，歸脾湯。月經過期者，補中益氣為主。月經先期者，加味逍遙散為主。凡潰後當大補脾胃，若膿出反痛，或寒熱煩渴等症，皆屬氣血虧損一切，主于補塔，庶保終吉。

婦患鶴膝，兩拗中腿股筋牽作痛，內熱寒熱，以肝火氣滯之症，先用加味小柴胡湯四劑，後以加味逍遙為主。佐以大防風湯而消，又患痢後

兩膝腫痛寒熱往來用十全大補湯為主佐以  
大防風湯而全消

大防風湯

治陰虛邪襲腿膝腫痛等症

防風 附子 炮牛膝 白朮 炒 羌活 人參

各一錢 川芎 五分 桂心 黃耆 炒 各

芍藥 炒 杜仲 姜制 各 甘草 五分 熟地 半 錢

水煎服

黑丸子

一名和風 定痛丸

治跌撲墜筋骨疼痛或瘀  
血壅腫或外感風寒肢躄作痛若沉注膝風初

結服之自消若潰而膿清與補氣血藥自斂孕  
婦勿服

百草霜

白芍 各一兩

南星

川烏 各三錢

白藪

赤小豆 各二兩

白芫

川歸

骨碎補

炒 各

牛膝 六錢

右為末酒糊丸桐子大每服三十九鹽湯溫

酒任下

聖愈湯

治血虛心煩睡卧不寧或五心發熱

熟地黃

生地黃

黃耆 炒

人參

川芎

川歸錢各一 水煎服

八味丸

治火衰不能生土以致脾胃虛寒而

患流注鶴膝等症不能消潰收飲或飲食少思

或食而不化或臍腹疼痛夜多漩瀉益火之原

以消陰翳即與方也

熟地黄自製乃山茱萸肉 山藥各四茯苓

牡丹皮 澤瀉各三桂心去粗皮能補腎而引

大附子用一兩五錢重者切四塊用童便

右為末蜜丸桐子大每服七八十九滾湯下

○婦人足跟瘡腫

足跟足指腫痛足心發熱者皆因胎產經行失于

調攝虧損足三陰經虛熱所致若腫痛或出膿

用六味丸為主佐以八珍湯胃虛懶食佐以六

君子湯寒熱內熱佐以逍遙散補熱益甚頭目

不清佐以補中益氣湯痰盛作渴或口舌生瘡

亦用前二藥以滋化涼天允發熱內熱補熱前

汗盜汗等症皆因虛假熱也故丹溪謂火起九

泉陰虛之極也蓋足跟乃督脈發涼之所腎下

經所過之地若不求其屬而泛用寒涼則悞甚矣然俗謂為兔喘瘡者蓋獵人被兔咬足跟入而不斂氣血瀝尽其人必死男子酒色過度者亦多患此症

下婦兩足發熱足跟作痛日晡熱甚此腎肝血虛用逍遙散六味丸五十餘劑諸恙悉退

六味丸 此壯水制火之劑治腎虛發熱作渴小便淋秘痰壅失音咳嗽吐血頭目暈眩眼花耳聾咽喉燥痛口舌瘡裂齒不堅固腰腿痿軟

五臟虧損自汗盜汗便血諸血亢肝經不足之症尤當用之蓋水能生木故也此水泛為痰之聖藥血虛發熱之神劑又治肝腎精血不足虛熱不能起床即仲景八味丸去附子桂心

### ○肺癰

婦人肺癰因外內蘊熱或七情鬱火誤行汗下重亡津液以致肺氣受傷而惡風咳嗽鼻塞頑強胸膈脹滿呼吸不利吐痰臭濁膿血腥穢若咳嗽喘急寒邪在表也小青龍湯咳嗽胸脹寒邪

內壅也葶藶大棗瀉肺湯脇脹咳唾腥臭膿已  
成也桔梗湯咳喘短氣或小使短少肺氣虛也  
佐以參耆補肺湯躰倦少食或喘嗽短氣脾肺  
虛也佐以參朮補脾湯作渴飲冷午前嗽甚胃  
火盛也竹葉石膏湯作渴內熱午後嗽甚陰血  
虛也六味丸四物湯口乾飲湯躰倦少食胃氣  
虛也補中益氣湯加五味麥冬口乾內熱咳嗽  
痰涎腎水虛也六味丸益氣湯黃昏熱或嗽甚  
陰火熾也六味丸四物湯加五味麥冬五更嗽

或痰甚脾肺虛也六君子湯嗽而不得眠及兩  
脇疼肝火血虛也六味丸益氣湯大凡前症因  
外淫所侵當祛邪而實上因心火太過當伐木  
而補金若肺氣虛弱當補脾土而生肺金若陰  
火上炎當補脾肺以滋腎水然而發熱喘嗽咳  
唾膿血飲食不入皆脾土不能生肺金肺金不  
能生腎水之敗症苟能純補脾土而生諸臟多  
有復生者若用寒涼脾胃復傷則肺金失養腎  
水益涸虛火上炎薰蒸于肺吾未見其能生之



者其唾膿血脈浮大面色赤者俱難治若陰火妄動或勞嗽吐膿血者尤難治若膿自止脈浮短濇及始萌者易治

一婦素血氣發熱咳嗽服痰火之劑後吐膿血面赤脈數其勢甚危以膿成而氣血虛也用八珍湯補元氣桔梗湯治肺癰而愈

青龍湯 肺受風邪咳嗽喘急

半夏 乾姜 細辛 麻黃去根 肉桂 芍藥 炙甘草各一錢 五味子炒五分

大附子炮五分 水煎服

葶藶大棗瀉肺湯 治肺癰胸膈脹滿上氣喘急或身面浮腫鼻塞聲重用葶藶炒黃研末每服三錢先用束十枚水煎入藥再煎食後服

桔梗湯 治肺癰咳而胸膈隱痛胸次腫滿咽乾口燥煩悶作渴濁唾腥臭

桔梗 枳殼 以仁 桑皮各炒 當歸 貝母 瓜蒌仁 甘草節 防已去皮各一錢 黃耆

鹽水炒 百合蒸各一錢半 五味子炒 甜葶藶炒



地骨皮 知母炒 杏仁各五分 姜水煎服

人參補肺湯 治肺癰腎水不足虛火上炎咳

唾膿血發熱作渴小便不調

人參 黃芪炒 白朮 茯苓 陳皮

川芎錢各一 山茱萸 山藥錢各二 五味子 麥冬

炙甘草分各七 丹皮一錢 熟地一錢半 姜水煎服

參芪補脾湯 治肺症因脾氣虛弱咳唾膿涎

中滿不食宜薰服此藥以補脾土生肺金

人參 白朮各二錢 黃芪錢半 茯苓

川芎 陳皮錢各一 升麻三分 五味子四分

炙甘草 姜水煎服

人參平肺散 治心火剋肺金患肺痿咳嗽喘

嘔痰涎壅盛胸膈痞滿咽嗑不利方見嗽門

腸癰

婦人腸癰因經行產後瘀血或七情飲食所致其

証小便如淋發熱惡風身皮甲錯腹皮腫急按

之軟如腫狀或腹脹大轉側有水声或繞臍生

瘡或大便出膿其脉遲緊者膿未成用活命飲

以解其毒脉滑数者膿已成用雲母膏以下其膿者二年間遍身微腫大便與臍出膿以息積之症也多致不救內經云腸癰為病不可驚則腸斷而死其坐卧轉側宜徐緩時常少飲稀粥靜養調理庶可保生

一婦人小腹腫痛小便如淋以毒結于內用神效瓜蒞散二劑少愈又以薏仁湯二劑乃痊

一婦小腹痛而有塊脉芤而瀉以瘀血為患以四物加玄胡索紅花赤仁牛膝木香二劑血下而

愈

一婦小腹脹痛大便秘瀉轉側有水聲脉洪數用薏苡梅仁湯一帖下去瘀血諸症頓退以薏仁湯二帖而瘳

一婦小腹脹痛小便不利脉滑數此膿已成服太乙膏五錢膿大下脹痛悉退以瓜蒞散蠟丸九托裏藥而安

一婦因經水多服藥止之致腹作痛以失笑散二帖而瘳又用加味道遙散數劑而經調

一產婦惡露停滯小腹作痛服瓜仁湯下瘀血而  
痊凡瘀血停滯急宜行之緩則腐化為膿最為  
難治若流注關節則患骨疽多為敗症

瓜子仁湯 治惡露未盡或經行瘀血停滯小

腹作疼或成腸癰等症 方在孕癰卷

敗醬散 治脉數身無熱腹無積聚按之軟濡

此為腸癰乃久積陰冷所成

以仁半兩 附子炮半 敗醬草一兩一

每服四錢水煎服以小便利為度

牡丹湯 即牡丹散 方在孕癰卷

治腸癰腹軟而痛時下膿

千金大黃牡丹湯 治腸癰小腹堅腫按之則

痛肉色如故或焮赤微腫小便頻數汗多增寒

脉遲緊未成膿者宜服之

梅仁湯 治腸癰壅痛大便秘澀 方在外科腸癰門

神仙蠟礬丸 最解毒止痛 方在瘡疽門

失笑散 產後心腹絞痛或血迷心竅不知

人事及尋常腹內瘀血積血作痛

國家圖書館, NATIONAL CENTRAL LIBRARY, TAIPEI, R.O.C.

五灵脂

炒

蒲黃

炒等分

為末每服二錢酒調下

○乳癰乳岩

經云乳頭屬足厥陰肝經乳房屬足少明胃經若乳房忽壅腫痛結核色赤數日之外焮痛張潰稠膿湧出膿尽而愈以屬胆胃熱毒氣血壅滯名曰乳癰為易治若初起內結小核或如鱉棋子不赤不痛積之歲月漸大巉岩崩破如熟榴或內潰深洞血水滴瀝此屬肝脾鬱怒氣血虧

損名曰乳岩為難療治法焮痛寒熱宜發表散邪腫焮痛甚宜疎肝清胃或不作膿成不潰宜用托裏或肌肉不生膿水清稀宜補脾胃或膿出反痛惡寒發熱宜補氣血或腫焮作痛肺熱內熱宜補陰血或飲食少思時作嘔吐宜補胃氣或飲食難化泄瀉腹痛宜補脾氣或勞力腫痛宜補氣血怒氣痛腫宜養肝血甚不可用剋伐之劑復傷脾胃也乳岩初患用益氣養榮湯加味逍遙加味歸脾可以內消若用行氣破血

之劑則速其亡

一婦內熱脇脹而乳不時作痛口內不時辛辣若  
卧而起急則臍下牽痛此帶脉病也小柴胡加  
青皮黃連山施二劑而安

一婦先熱渴至夜尤甚後兩乳忽腫肝脉洪數乃  
熱入血分用加味小柴胡湯而愈

一婦膿清腫硬面黃少食內熱晡熱自汗盜汗月  
經不行此肝脾氣血俱虛也用十全大補加遠  
志貝母及補中益氣各三十餘劑外用葱熨法

而消

一婦久鬱左乳內結核如杏三月不消心脉瀋脾  
脉大按之無力此肝脾氣血虧損以八珍加貝  
母遠志香附柴胡青皮桔梗五十餘帖而消  
一婦右乳內結三核年餘不消朝寒暮熱飲食不  
甘此肝脾氣血虧損內服益氣養榮湯外以木  
香餅熨之年餘血氣復而消

一婦乳內結核年餘晡熱食少此血氣不足欲用  
益氣養榮湯彼執効速另服行破之劑潰出清

膿而毀

一婦乳內結核如粟亦服前藥大如覆碗堅硬如石出血水而效

神効瓜蒌散

治乳癰及一切癰疽初起腫痛

即消膿成即潰膿出則愈

瓜蒌一箇爛研

生粉草

當歸酒洗各半兩

乳香

沒藥各一錢

用酒煎服良久再服

肝經血虛結核久而不消佐以四物柴胡升麻白米茯苓甘草君肝脾氣血虛弱佐以四君等

婦柴胡升麻君憂鬱傷脾氣血虧損佐以歸脾湯

玉露散

治產後乳脉不行或身躄壯熱頭目昏痛大便澁滯等症

人參

茯苓

桔梗炒

川芎

白芷

當歸


芍藥各一錢

甘草五分

右水煎服

乳癰初發

貝母為末每服二錢熱酒下即以二三覆按



國家圖書館, NATIONAL CENTRAL LIBRARY, TAIWAN, R.O.C.

卓上每乳向良父自通


大宮詹少溪吳馭閣校

絳



小兒金鏡

生生子曰人知醫學之難也而  
不知小兒之醫為猶難也先正  
有言寧醫十男子莫治一婦人  
寧醫十婦人莫治一小兒蓋甚  
言小兒為啞症非質稟靈明性



NATIONAL CENTRAL LIBRARY, TAIWAN, R.O.C.

通造化者不易治也矧痘疹又  
為小兒最急者哉世之業是者  
未嘗不言秘密稱專科焚究其  
所蘊顯淺衷而徒執方書鮮有  
融洽理道識諳經絡而隨症通  
變者又何怪其有偏熱偏寒遺

以失彼之誤也余不敏固嘗研  
究此術而師問囊中游心象外  
晝思夜惟遠蒐近探積有歲年  
頗得肯綮彙而成帙命曰指歸  
乃夢一老人黃冠羽扇揖余而  
語曰以集固後學指歸矣子以

心融千古之秘故纂輯撰著可  
以印證前賢而傳之後蓋命名  
心印以誌子苦心乎余竅而敬  
諾覺則更名痘疹心印云欲鐫  
而附於小兒金鏡之末苦力綿  
而未授剞劂會良韞張君慨然

捐貲以梓君端慤恬靜三代古  
心不務外好而樂與人為善且  
天性惻隱生平濟痼瘼惠孤獸  
梁津舟渡除道築堤莊嚴象教  
修輯梵宇他若排難解紛用恩  
於人所不知者種種不可枚舉


歲丁亥戊子江南大饑疫癘盛行死者載道漲河君拊膺而深憫之願謂鄉人曰此皆我同類可忍使若此耶且水者人之藉以生活毒染於水沿流而飲者必疾此爲害非小而去此害者

勢不可緩出金傭人收百里之暴骸而瘞之疫亦尋息君之德被鄉人澤及枯骨童較著者若以及臺院議加旌獎君堅辭之再三有而不居君又有烏余自甲戌交君驩迄今二十四年



如<sub>レ</sub>一日也先是君二子皆厄於  
痘因銳意訪<sub>レ</sub>痘書以惠元又見  
余集而擊節稱賞曰此不啻太  
海慈航異日令赤子登彼岸者  
繡之梓以副吾夙願然則君之  
德與是集並傳不朽也余不佞

有感於君而并記其事於末簡  
君名瑤字良韞世爲茗上人  
萬曆丁酉長至日新安生生子  
孫一奎書於茗之水晶仙館



小兒金匱目錄卷之一

初誕門

硃蜜法

斷臍法

戒灸

下地不啼哭

胎毒宜下

週身無皮

陰囊入腹不下

甘草法

秘法

回氣法

浴兒法

初生大小便不通

穀道不通

週身發泡

噤風

終

國家圖書館 NATIONAL CENTRAL LIBRARY, TAIWAN, R.O.C.

撮口

臍突光腫

腸癰

鼻風傷顙

風熱

診脉歌

入門者証歌

明驚風篇

慢驚

臍風

臍汁不乾

鵞口白屑

潮熱

看形色声音脉息

看顙顙要畧

變蒸

急驚風

卷之二

夜啼

丹毒

口瘡

木舌

腫靨

斷乳法

項軟

脫肛門

客忤

國家圖書館, NATIONAL CENTRAL LIBRARY, TAIWAN, R.O.C.

軀啼

赤遊風毒

重舌

腫腭

語遲

行遲

滯顙

哮喘門

咳嗽門

癬門

遺尿門

吐瀉門

淋明

卷之三

外腎光腫門

痢門

瘡門

吃泥

吃生米門

耳門

龜胸龜背門

虫門

痔門

癩門

卷之四上

痘疹心印小引 原痘

痘不宜毒物醃發

戒用天靈蓋 腎無痘辯

首尾不可汗下辯

審証

總驗部位

驗面

驗耳

驗目



驗鼻 驗唇口 手足 夾班 夾疹 疹即麻也

夾沙 亦麻類粒頭瑣碎異地呼為沙子其狀如夏月膚腠之癩子

夾疥瘡 白陷灰陷 內潰 痒塌

目睛露白 声啞 水瘡 驚搐 附癩癩

煩躁 發渴 噎氣 不食

汗多 諸失血 陰囊發腫 痘後浮腫

驗動靜 發熱有數種

初發熱三朝証治活法

卷之四下

△痘宜依期施治治貴通變

血熱痘症禁忌

見標三日証治活法 賦痘

起壯三日証治活法 灌膿三朝症治活法

收靨三朝証治活法 落痂症及靨後餘症

卷之五上

△異痘須知

婦女痘

瘡痕為効

原疹

卷之五下

麻疹輕重不治三症要訣

水痘志

小兒金鏡卷之一

小兒門

新安生生子孫一奎著輯

諸雜症大方脈可以槩治者茲不復錄所  
錄惟異於大方脈者省繁瑣便應治也顧  
余不文然幼科但當闡明証候選擇良方  
俾婦人女子皆可通曉庶為法旨

○初誕門

小兒初誕猶如嫩蕊嬌花切當調護得宜庶無不

測之症古謂初離母體口有液毒啼聲未出急  
用絲綿裹指拭去口中濁穢為妙此固良法然  
倉卒多不暇及且亦多有拭之而不見物古人  
有落地解毒法回氣法將護法種々森立蒐輯  
于左以為保生良式

甘草法

臨月預備甘草少許以綿裹之臨產時  
用沸湯浸盞內俟兒落地未出聲時急取綿裹  
指頭蘸甘草汁拭其口次用硃蜜法

硃蜜法

用甘草湯飛過硃砂末三五分以蜂蜜

拌勻旋抹口中使其嚥下不獨鎮心安神能解  
一切胎熱惡物之毒免痘熱之患

又秘法

用本兒落下臍帶瓦上焙燥為末入辰  
砂黃連甘草各末五分和勻蜜拌做三五次塗  
乳母乳上俟兒吞之必使一日夜吞盡次日惡  
毒皆從大便而出後不但痘疹稀疎竟有不  
出痘者俟臍帶落下即便製服在六七八日之  
間為妙其辰砂必須研極細末以甘草湯飛過  
任服無害此方一以解毒一以補養蓋臍帶乃

有生初之河車也繫於母之命門而腎之所主  
乃以腎補腎腎既充足即不受邪故無他日亥  
黑歸腎之症亦無顛門不合之疾生一兒即得  
一兒真保生最上一乘良法

斷臍法 千金論云凡結束所留臍帶大約六寸  
長則傷肌又斷臍切不可用刀割蓋鉄器寒冷  
恐傷生氣只須隔單衣咬斷後將暖氣呵七口  
庶無內吊之疾必先用熱湯浴過方斷臍若斷  
後浴之恐水氣入內令兒腹疼

四氣法 初生氣欲絕不能啼者必是難產或胃  
寒所致急以綿絮包裹抱懷中未可斷臍且置  
炭火上燒之仍作太帑撚蘸芝麻油點着于臍  
帶上往來遍燎之使火氣入臍則腹中溫暖更  
用熱醋湯盪洗臍帶須臾氣回啼哭如常方可  
浴洗斷臍切記

戒灸 北方誕後三日每用艾灸顛門以免驚風  
緣北方地土嚴寒故俗灸之以禦寒善調護者  
何必令兒受此一翻痛苦也今南方每亦倣數

予屢見炎後發熱大小便秘因而驚搐遂致不救良切憫焉殆無事生事也詎思南方地熱就孕者又不斷慾食淡厚味是貪恣情肆意胎已受毒加之以炎是以油濟火也曷克當之

浴兒法 第三日浴兒予每用五枝湯極妙五枝湯者桑椹榆桃柳是也各取嫩枝三寸長者二十節煎湯看冷熱入猪膽汁二箇浴之周歲內可免瘡疥丹毒又可以避邪惡 蓋三日浴兒俗禮也倘見生脆弱遲十數日或半月亦無

害擇精明吉白於無風房內浴之

兒生下地即不啼哭不融香乳奄奄如死者急看喉間懸壺前睛上有一泡用指搗破以帛拭去惡血勿令嚙下即能通聲吞乳

初生大小便不通腹脹欲絕者急令人溫湯漱淨口吸啞兒之前後心臍下兩手足心共七處每處吸啞五七口取紅赤色氣透為度氣透則便輕号散 初生大便不通

輕粉散 初生大便不通 錢二生蜜拌熱湯調點兒口中一二次立通

物生六七日不レ小便葱白三四寸搗爛入乳拌入兒口內再與乳吃レ下即通

楊氏曰小兒在胎受病非一木抵裏氣蘊結壅閉不通宜早取レ下胎毒

千金論曰小兒始生其氣尚盛若遇疾病即須下レ下不及時必成別症

凡下胎毒只宜用淡豆豉濃煎與三五占其毒自下又能助養脾氣消化乳食

初出胞胎而不吃乳者或由產母過度胎中受寒

則令兒腹痛故不吃乳亦有口中惡物拭之不

及下腹中致令嘔吐茯苓丸木香散治之

茯苓丸 治惡血入腹脹氣短不能吃乳

赤茯苓 黃連 枳殼炒各 右為末煉蜜丸

梧子大每一丸乳汁磨下冷者去黃連

木香散 治惡穢入腹嘔吐不止

木香 乾姜 茯苓 木瓜 甘草炙 丁香略

分右為末每服一錢生姜一片水煎綿蘸埋入

口中効

奇方 治初生不乳及不小便葱莖散

葱白一四界破之以乳汁研砂礮內煎灌之立効  
小兒初生穀道不通多致不救非藥石可治魯有  
久以銀筋頭燒紅穿通其竅大便始出亦有用  
玉簪穿通者上

初生下週身無皮俱是紅肉宜速取白和米粉遍  
身撲之其皮漸生一日撲三四次以皮遍為度  
初生下遍身如魚泡或如水晶擦破則水滲流以  
蜜作僧研極細炒過乾摻仍服蘇合香丸

初生六七日後陰囊收縮入腹啼哭不止者受寒  
所致蓋寒則收引也

硫黃 吳茱萸 各五錢 為細末研大蒜調塗臍下

仍以蛇床子微炒帛包慰其囊即下

初生受風鼻塞不能吮乳不可輕易發散惟大天  
南星為末生姜自然汁調成膏貼於顙門即愈

又方 草烏皂莢為末葱汁搗膏貼於顙門効

噤風撮口臍風三種病也

噤風者眼閉口噤啼聲漸少舌上聚肉如粟米狀

吮乳不得口吐白沫大小便皆通蓋由胎中感  
受熱氣毒流心脾故形現於候舌也或下生復為  
風邪搏擊所致一百二十日已前見此皆名噤  
撮口者面自黃赤氣自喘急啼聲不出蓋由胎氣  
挾熱兼之風邪入臍流毒心脾之經故令舌強  
唇青撮口撮面妨於吮乳若口出白沫四肢冷  
者不可救也其或肚脹青筋吊腸卵疝內氣引  
痛皆腸胃結滯不通治宜疎利蓋撮口最為惡  
候月內見之尤急候也

臍風者非獨謂斷臍之時為水濕風邪所乘多因  
胎中受熱兼之風濕所激遂令肚脹臍腫身體  
重而四肢柔直啼而不乳甚則發為風搐若臍  
邊青黑兼之撮口乃是內搐不治瓜甲黑者即  
死其或熱在胸堂伸引努氣亦冷臍腫可與千  
金龍膽湯

此三症受病之源皆緣胎毒大槩裏氣壅滯  
總宜取下胎毒為好不可因循畏手畏足姑  
息候事古方天麻丸定命丹朱銀丸可量與



之瀕危多活每見臍風撮口七日内見之百  
難一生

凡見此三症急者口中齒齦上有小白點如粟米  
大即宜以温水蘸帛裹指揩去或用銀簪挑去  
即能開口吮乳不必服藥此感之淺者也感之  
重者照後方按治

安臍散 治臍中汁出或赤腫

白石脂 研極細一日三度傳之 或用油頭  
髮燒灰傳 或當歸末傳亦佳

千金龍膽湯 治胎驚月內氣盛發熱臍風撮口

壯熱四肢搐掣發熱大吐及變蒸不解中惡客  
忤鬼氣并諸驚癇悉皆治之十歲已下皆可服  
有魁氣者加人參當歸兒大者一歲加五錢

龍胆草 鈞藤 柴胡 黃芩 桔梗 芍藥

茯苓 甘草 錢各五 蟻螂二枚去 大黃煨二

右每服二錢水煎去半服之以漸加之俟大  
便行即止 直指方加防風麥門冬以導心  
熱黃芩減半加北棗無蟻螂亦可

控痰散

治噤風先用此吐風涎次與益脾散

蝎尾

銅青各五分硃砂一錢膩粉一分射香一分為細末

每服茶清調下或用甘草湯吐痰亦可

甘草湯

治撮口取吐風痰

甘草

三錢

水煎服令吐出痰涎却以猪乳點入

口中即愈

益脾散

和胃進乳

白茯苓

人參

草果

煨

木香

濕帛包煨

甘草

陳皮

厚朴姜製

蘓子

炒各等分



右每服二三錢看大小水煎服

辰砂膏

治眼閉口噤啼聲不出吮乳不得口吐

白洙大小便皆通

辰砂

三錢

硼砂

牙硝

各半

玄明粉

二錢

射香

一分

全蝎

珍珠

各一分

右為細末厚油帛包封自

成膏

每服一莖許粒薄荷金銀湯下

月內用乳汁調傳乳母妳上令兒吮下

天麻丸

斷臍後為水濕風冷所乘入臍流於心

脾遂令肚脹臍腫四肢柔直日夜多啼不能吮

乳此藥利驚化痰九鈞腸鎖肚撮口並効

南星炮二錢白附子炮牙硝 天麻 五灵脂

全蝎一錢輕粉五錢巴霜一字右為稀糊九麻子

大每服三九薄荷生薑湯送下

足命丹 治急驚天鈞撮口通利痰熱米片無

全蝎七個天麻 南星炮白附子炮各二錢硃砂

青黛各半錢輕粉 射香各五分冰片一字右為末

粟米糊為丸菘豆大每服一丸荆芥薄荷湯

化下先研半分吹入鼻中

僵蚕散 治撮口

僵蚕直者二條去水洗炒為末用蜜調傅唇口中立効

蝎梢散 治胎風撮口臍風及百日內急驚風并

諸痰症

蝎梢四十箇姜蚕去嘴洗去系冰片射各一字

右蝎梢每個用薄荷葉包線扎定砒礞內

炒至薄荷乾為度全姜蚕研細入冰射和勻

用赤椎鷄肝二片煎湯調下一二分

牛黃散 治初生七日內口噤

牛黃錢 為末以竹瀝調一字灌之更以猪乳

點入口中

撮風散 治撮口

蜈蚣赤足者 釣藤 硃砂 蝎梢 僵蚕炒各

射香字 右為末每服一字用竹瀝調下

立聖散 治噤口

蝎梢七個 乾蜘蛛一個 瀝浸一夜 炙焦用膩粉炒

為末研勻每服一字乳汁調時時滴入口中

蜈蚣散 治口噤不開不能吮乳

赤脚蜈蚣炙焦去頭 為末入射香少許以猪乳

丁合分三服

蓋猪乳治小兒口噤最良凡取猪乳須令小豬  
兒吮喫方其吃時將小豬後脚提起其口即開  
急將取之即得乳也非此法不能得

蜘蛛散炙焦去嘴 為末猪乳調灌神効 右亦治

牙疳加射香神効

硃銀丸 治疳風壯熱痰盛翻眼口禁取下胎中

蘊受之毒亦治驚積量病用之

全蝎

錢一

白附子

炮半

南星

炮

硃砂

字一

牛黃

芎藭

各五分

天漿子

射香

各五分

冰片

字一

僵蚕

炒

条水銀

一錢

肉研如泥

鉛霜

五分

水銀

研和

右為末

粟米糊為丸

如芥子大

每十九

薄荷

湯下

如末利加至二三丸

射香散

治臍風撮口

赤脚蜈蚣

酒炙半条

川烏頭尖

三個

射香

少許

右為末

每服半字

金銀湯調下

立聖散

治臍風撮口



赤蜈蚣

一条

蝎梢

七個

瞿麥

五分

姜蚕

七個

右為末

先用鷲毛管吹

少許入鼻

啼哭則可

浴仍用薄荷湯調服

三五分

臍突光腫

臍汁不乾

附腸癰

生生子曰

小兒月內旬日

臍突光腫

如吹捻動微

响赤腫

虛大可畏

此由初生先斷

其帶束縛不

緊浴洗之時

濕入所致

用外消散敷之

臍汁不

乾者內有濕熱

及血熱而然

宜涼血收濕之藥

摻之無不効者

惟腸癰一症

亦令臍中汁出

小

小兒全書

卷

三

三

腹腫硬按之則痛小便澀以淋時汗出惡寒  
身皮甲錯肚皮緊<sup>急</sup>腫之狀按之濡或發熱無  
汗洒漸惡寒皆其候也甚者腹皮脹大轉側腹  
有水聲或逸臍生瘡或膿從臍出或大便膿血  
必有不足不能步皆為惡候

山梔五苓散 治小兒臍突

梔子仁炒 白朮炒 茯苓 猪苓 澤瀉各一錢

肉桂五分為細末每五七分蜜湯或灯心湯調下

二荳散 治臍突

赤小荳 豆豉 天南星製 白斂各半

為細末每以五分芭蕉自然汁調敷臍四傍

一日一次三日三次但得小便下白物即消

外消散 臍突光腫如泡

大黃 牡蠣煨各五錢 朴硝一錢

右末多用田螺浸水調一二錢敷臍上其水

後小便而下即消

封臍散 臍中汁出

紅綿灰 龍骨煨 髮灰 面粉炒各一錢 胭脂一分



右末乾揅濕處

丹礬散 治同上

黃丹 枯礬 等分為細末敷上即乾

又方 蜜佗僧炒貝母 桑螵蛸焙為末揅之妙

又方 墻上多年白螺殼燒為末揅之佳

消瘰蒼耳湯 但小腹作痛惡寒吐皮緊急一脚

不能舉步即是腸癰

蒼耳子錢二甘草五分杏仁 薄荷 瓜蒌各錢

水酒各一鍾煎服其渣包敷臍上二服見效

有膿者加木香當歸各五分

四聖散 治腸癰乳癰一切癰疽便毒神效

黃瓜萎一枚甘草四錢沒藥三錢乳香二錢

酒煎分二次服大便微溏瀉下惡物為妙

薏苡仁湯 腸癰腹中疼小便澀

苡仁 瓜蒌仁 丹皮 桃仁各三錢

水煎食前服

神仙蠟礬丸 治腸癰有膿者極效空心酒吞五

六十九

太乙膏為丸梧子大每空心酒下六七十丸腸瘰  
頰瘰

○鷲口白屑

初生百日口中生白點不計其數拭之則去少刺  
復有口角流涎水日夜啼哭不乳是也亦由胎  
熱或乳母嗜食煖炙酒麪貽熱於兒用甘草黃  
連各一錢煎濃湯以帛裹指口中拭去再不復  
又方桑樹枝條如煎竹瀝法煎汁洗之亦佳  
又方黃丹為極細末用竹瀝調塗口中洗之其

白點即落一日洗二三次再以辰砂益元散  
心湯調下則不再作神妙

○鼻風傷顛

凡乳母夜睡鼻孔切不可與兒頭相近恐呼吸鼻  
風吹其顛門疾變百出慎之慎之

通關散 治鼻風吹顛令兒鼻塞不能吮乳

香附子炒 白姜蚕炒 各三分 川芎七分 荊芥四分 細辛二分  
牙皂一分 右末半葱白去鬚搗碎調藥塗顛上佳

潮熱



潮熱者今日發過明日復來如潮水之有信也有一日一發二日一發三日一發或一日兩發似瘧非瘧皆由調護失宜或冒風寒或傷乳食或發瘡疥或陰陽不和或虛熱骨蒸皆當認証速治亦有外感內傷以致臟腑壅滯而成實証當從權下之

一傷寒之後餘熱不解者宜脫甲散兼小柴胡湯  
一內傷癖塊不消脾胃不和而成潮熱先服脫甲散次搗氣下之後調胃氣

一營衛有熱陰陽不和發為潮熱  
一瘡疹後餘毒不解蘊成潮熱宜大連翹飲更與助胃氣則安

梨漿飲子 治潮熱及營熱衛熱兩日一發三日

一發五臟蘊熱瘧熱夜發瘧瘧獨熱

青蒿苗 童便浸三次洗淨晒乾 柴胡 人參 前胡

黃芩 秦艽 甘草 或加生地黃 右者大

小三五錢水煎入生藕生梨薄苜蓿煎服

脫甲散 治傷寒體熱頭目昏沉不思飲食夾驚

又食寒熱大小便閉煩躁作渴冷汗妄流鬲滿  
 腹急日夜大熱并傷風傷暑驚癇客忤疴熱  
 柴胡 當歸 龍胆草 茯苓 知母 甘草  
 川芎 各三人參 錢二 右看大小每服三五錢加  
 連鬚葱白三根水煎服此方散熱扶表救裏  
 表虛者汗不妄出裏熱令不閉結外則通關  
 內則開渠經絡疎通臟腑無滯熱在表裡之  
 間施無不可積傳驚癇之候用攻必効  
 地骨皮散 治虛熱潮熱傷寒壯熱

知母 柴胡 人參 甘草 茯苓 半夏  
 地骨皮 右水煎加姜 有驚熱加蟬蛻天麻  
 黃芩  
 秦艽飲子 治疰如前  
 即上方加秦艽  
 驚甲飲 治潮熱骨蒸盜汗咳嗽多渴心躁多驚  
 面色黃瘦 驚甲炙 地骨皮 秦艽 柴胡  
 枳殼炒 知母 當歸 各等 每服三五錢加桃  
 柳枝各三寸烏梅一枚水煎服

小兒金鑑 卷之七 驚風 七

犀角飲 治骨蒸潮熱盜汗肌瘦

犀角屑 鱉甲炙 柴胡 知母 地骨皮 胡

黃連各五分 大黃 桃枝各二錢半 右水煎服

靈犀飲 治小兒骨蒸潮熱盜汗咳嗽不食多渴

面黃消瘦 犀角 秦艽 甘草 羌活

柴胡 地骨皮 胡黃連各五錢 茯苓 人參各

兩 右每服三五錢加烏梅竹葉煎服

柴胡散 骨蒸潮熱面黃瘦弱

柴胡 地骨皮 甘草各等分 水煎服

青蒿散 肌熱潮熱

青蒿三錢 甘草一錢 烏梅一枚 小麥五十粒

右水煎分三次服

大連翹飲 治胎熱大小便不利諸般瘡癩丹毒

疔風瘡疹壯熱 連翹 瞿麥 荆芥 木通

當歸 赤芍藥 防風 柴胡 滑石 炙甘

草 蟬蛻各一錢 山梔 黃芩各五分

右看太小每加紫草煎服熱甚加大黃

○風熱

內素有熱或又冒風發熱咳嗽面赤氣粗大便秘結者但宜平之和解使表裏踈通其熱即退踈風枳殼湯極効

踈風枳殼湯

紫蘼

枳壳

各三錢

杏仁

去皮尖

二錢

水煎頗與服以大便通利熱退為度

熱甚者加黃芩若大便仍不行用葱煎湯

洗其腰腹取熟葱以臍上下揩之使其氣透

則通利矣或用生葱尖紮入穀道立通

清上散

治胎熱眼睛腫赤糞色稠黃肚熱啼哭

及身上紅腫或頭頂瘡癩耳出膿汁皆胎毒也此方神驗

川鬱金

甘草

北桔梗

天花粉

乾葛

薄荷葉

各等分為末入蜜拌勻白湯下三五

七分或一錢仍用艾葉煎濃湯溫浸足底以

引其熱下行

者小兒外証形色音声脉息

經云五臟有五色皆見於面素問曰神之變也其華在面又云視其五色黃赤為熱白為寒青黑

為痛此所謂視而可見者也錢仲陽云左頰為  
肝右頰為肺額上為心鼻上為脾下頰為腎赤  
者熱隨証治之

眼上赤脉下貫瞳人顛門腫起兼及作坑鼻乾黑  
燥壯大筋青目多直視靨不轉睛指甲黑色口  
作鴟聲虛舌出口齒齒咬久魚口氣急啼不作  
聲蛔虫既出必是死形用藥速救十無一生  
此吐蛔乃傷寒忘故言凶若傷食吐蛔乃是常  
要知兒病生與死總觀面上色音聲唇青再黑人

難救哭声不响赴陰君

聲輕者氣清弱也重濁者痛也風也高喊者熱將  
狂聲急者神驚也聲塞者痰也聲戰者寒也聲  
噎者氣不順也喘者氣促也噴嚏者知其風咽  
欠者知其倦亦主風陰陽相雜也

診脉詞

小兒有病須憑脉一指三關定真息浮洪風熱數  
多驚虛冷沉遲實有積

左手浮洪風邪所感右手滑大乳食過傷數熱遲

寒以意推詳浮表沉裏看症投湯

看顛顛要畧

凡看嬰孩百日已後周歲已前視其顛而對其症則補瀉用藥調治可斷其吉凶矣

顛門青筋脉虛不榮顛門常陷滑泄便顛門腫起風痰不止顛門久冷吐利青顛門虛軟顛痛不免顛門扁濶暴泄易脫顛門歪長風作即亡顛門連額驚風易得顛顛未充怕熱拍寒顛顛緩收胎氣不周顛顛動數神氣昏弱顛顛寬

大受疾恐害顛顛味合筋骨柔弱

顛顛陷者始因臟腑有熱渴飲水漿致成泄痢久則氣虛用狗頭骨炙黃為末鷄子清調敷之顛腫者乳哺不常致寒熱乘於脾家其氣上衝顛為之脹高如堆垛若寒氣上衝則堅硬熱氣上衝則柔軟寒則溫之熱則涼之

封顛散 防風 柏子仁 白芨 各一 右末乳汁調塗顛上十日愈

凡解顛之症乃腎氣虛弱腦髓不實不能收斂急

用地黃丸補之 外用木天南星微炮為末  
醋調敷于絹帛上貼之

三辛散 治解顱

北細辛 桂心各五錢 乾姜七錢 為末乳汁調敷

顱上乾則再塗俟兒面赤則愈

烏附膏 治顱門陷

川烏 大附子各去皮臍 雄黃水飛

右極細末生葱搗爛調成膏貼顱上

地黃丸 治顱解不合腎元不充

人參二錢 懷熟地黃四錢 鹿茸酒炙 懷山藥 茯苓

丹皮 山茱萸肉各三錢

右末煉蜜丸芡實大每用人參湯化下一丸

○傷乳

小兒吮乳過飽腹脹不乳者不必他藥只用大麥

芽煎湯服之如惡吐加陳皮發熱者加枳

實如大便不通加枳榔蓋氣下則乳自消

也不必用大黃巴豆霜之類

○入門看証歌